

АЪЛО ХИЗМАТ —

ДАРОМАД МАНБАИ ДЕМАК

Коронавирус пандемияси туфайли эълон қилинган карантин чекловлари даврида тадбиркорлик билан иш юритиш, қўшимча манбаларни ишга солиш жуда муҳимдир. Масалан, томорқачи деҳқонларга турли тарзда жўяли маслаҳат берадиган, маъданли ўғитларни етказадиган, касаллик ва ҳашаротларга қарши самарали воситаларни сепиб берадиган корхона очинг. Фарғоналик мутахассисларнинг эътирофи эътибори, бундай хизматни ташкил

— Шу ишга кирганимдан қўшниларим ҳам хурсанд, уларнинг томорқасидаги экинларга ҳам ишлов бериб ҳосилдорлигини ошириб бераёлман-да, — дейди Фарғона туманидаги “Аъло хизмат” отряди мотоциклчиси Камолжон Маҳмудов. — Бир кунда уч-тўрт карра бочкани тўлдиришга тўғри келади, иш кўп, томорқамдаги экинларни ҳам дориллаб беринглар дейдиганлар ҳам оз эмас. Албатта даромад хизматимизга яраша.



— Кимёвий воситалар таъминотида муаммо йўқ. “Фарғонаагрокимёхимоя” ҲАЖ раиси Каромат опа Маматовнинг топшириғига кўра, туманимиз марказида иккита кимёвий воситалар билан савдо қиладиган ва маслаҳат берадиган “Ўсимликлар клиникаси” ташкил этилган.

Ўша жойда барча нарса бор. Кимёвий воситани қачон, қайси экинга қанча миқдорда ишлатиш керак, барига жавоб беришади, — дейди отряд бошлиғи Дилмурод Мирзаев. — Айни чоғда ҳам карантин талабларига қатъий амал қилган ҳолда эл хизматидамиз. Очиғи, шу ишим бўлмаганда, билмадим, карантин

этиш унчалик қийин эмас. 200 литрлик бочка (кимёвий воситаларни сувда эритиб оладиган) ортилган кажавали мотоцикл ва дори сепадиган асбоб-ускуна, туну кун ишлайдиган телефон. Албатта шу асбоб-ускуналарни тез ва самарали ишлатиб фойда келтириши учун ақлли бош, хушмуомила шерик зарур. Шу йўл билан бир йилда неча ўн миллион сўмлаб даромад топиш мумкин. Буни биз Фарғона вилояти “Агрокимёхимоя” ҲАЖ фаолияти билан танишганда кўрдик.

“Аъло хизмат” деб аталган бу отряднинг Фарғона туман бўлими ходимлари шаҳар ободончилик бошқармаси билан шартнома тузиб, шаҳар кўчаларидаги дарахтлару гулларни чанқатмасдан суғориб чиқишмоқда. Эътибор беринг, бу оддий сув эмас, унга касаллик ва ҳашаротларга қарши кимёвий воситалар ҳам қўшилган. Шунинг учун бу отрядлар фаолиятдан мижозлар мамнун. Гуллару дарахтларнинг ўтган йилга нисбатан яшнаб, гуркираб ўсаётганини кўрган томорқачилар ҳам “Аъло хизмат”чиларга сим қоқишмоқда.



баҳонасида кўпчилик ишхона ёпилган, ҳозир уйда қолишга мажбур бўлармидим... Раҳмат Каромат опага.

“Фарғонаагрокимёхимоя” ҲАЖ мутахассиси Равшанбек Саиджабборов ва “Фарғонасервисхимоя” бошлиғи Отабек Шарофиддинов билан Қува туманидаги “Ўсимликлар клиникаси” фаолияти билан танишдик. Бу маскан шу йил бошида ташкил этилганига қарамай кўпчилик эътиборини қозонган. Савдога ўттиздан ортиқ кимёвий воситалар, биостимуляторлар қўйилган. Сотувчи Алижон Солиев коллежни, ўсимликларни химоя қилиш йўналиши бўйича тугатган экан. Келажакда институтда ўқиб, олим бўлиш ниятида эканлигини айтди. Унинг эътирофи эътибори, бу ерга келиб харид қиладиган ҳам телефон орқали маслаҳат сўрайдиган ҳам кўп. Энг муҳими, илгари қувалик томорқа эгалари кимёвий воситаларни танишибилишидан ё бозордан сифатига ишониб-ишонмай олишар экан. Баъзан кимёвий воситаларни “қўл”дан олиб чув тушганлар ҳам бўлган. Энди “Ўсимликлар клиникаси” кимёвий воситалар сифатию ишлатиши бўйича таваккалчиликка буткул барҳам берди. Жой аниқ, мутахассислар аниқ, харидор истаса, “Аъло хизмат” ўз техникаси билан кимёвий воситаларни томорқага бориб сепиб беради. Мана сизга ўнғайлик.

“Андижонаагрокимёхимоя” ҲАЖ раҳбари Сойибжон Тождидинов аҳоли томорқасига намунали хизмат кўрсатишда “Аъло хизмат” отрядларининг фаолияти самарали бўлаётганини таъкидлади.

— Қисқа фурсатда “Аъло хизмат” отрядлар турли ташкилотлар билан 143 миллион сўмлик шартнома им-

золашди, – Сойибжон Тожиддинов. – Бу кам, аммо техника воситаларини кўпайтириш, янги иш ўринлари яратиш орқали биз бу даромад микдорини сезиларли даражада оширишни кўзляпмиз. Чунки биласиз, андижонликлар жуда миришкор бўлишади, улар ҳар қарич ердан кўпроқ даромад олсам, рўзгоримни обод қилсам, дейди. Қораверса, бугун Президентимиз ташаббуслари билан республикаимизнинг барча жойларида бўлгани каби Андижон вилоятида ҳам янги шаҳарчалар, гузарлар, истироҳат боғлари барпо этилмоқда. Юз минглаб манзарали ва мевали дарахт кўчатлари экилиб парваришланмоқда. Турфа гуллар ифोरини айтмайсиз. Буларнинг барини суғориш, суғорганда

ҳам уйғунлашган ҳолда, яъни кимёвий воситаларга, ўсимлик организмни мустаҳкамловчи биостимуляторларга таяниб, бу моддаларни сувда эритиб сўнг ниҳолга пуркаш шунчаки оддий иш эмас. Шу пайтгача ободонлаштириш идоралари кўчадаги дарахтлар-у гулларга фақат сув пуркаган, уни ҳашароту касалликлардан асраш доимо ҳам амалга оширилмаган. Агар “Аъло хизмат” бу ишни ўз зиммасига олса биласизми, биз нечоғлик натижага эришамиз. Демак жамиятимизда “Аъло хизмат”нинг фаолиятига, унинг сифатли ва жўяли маслаҳатига эҳтиёж, талаб бор. Ана шу талабни қондириш нафақат шаҳарлару қишлоқлар ободончилигини таъминлашда, балки

аҳоли томорқасидан кўпроқ маҳсулот олиш тизимида ҳам катта имкониятларни яратади. Биз эса қўшимча иш ўринлари яратиш, хизмат кўрсатиш турларини кенгайтириш орқали идорамиз иқтисодини янада яхшилаيمиз. Бундан ташқари вилоятимизда “Ўсимликлар клиникаси” тармоғини кенгайтириш, кимёвий воситалар турлари бўйича савдони кўпайтириш чораларини ҳам кўраяпмиз. Бу ишга чаққон ва тажрибали йигитларимизни жалб этдик. Насиб этса, бу борадаги ютуқларимиз ҳам тез орада ўз самарасини беради.

Абдунаби АЛИҚУЛОВ,
журналист.

ИСЛОҲОТЛАР САМАРАСИ



Булунғур туманидаги “Агропилла” МЧЖ раҳбари Суннат Бобожоновнинг эътирофи этишича, қишлоқ одамлари учун ипак қурти боқиш, пилла етиштириш ҳақиқий даромад манбаига айланиб бормоқда. Биринчидан давлатимиз раҳбари ташаббуслари билан берилган имтиёзга кўра, бир ой пилла боққан киши учун бир йиллик иш стаж

ҳисобланади. Ипак қурти Аллоҳнинг тоза-покиза жонзоди, шу орқали хонадонга кут-барака энади. Ипак қурти боқишга киришган кишиларга ипакни қайта ишлаш корхонаси 300 минг сўмдан бўнак пули берди. Ҳар кило пилла ҳам ашёси учун 25 минг-30 минг сўмдан ҳақ тўланмоқда. Бу қулайлик бундан беш-олти йил илгари эртақдек гап эди.

– Бу йил тумандаги 1807 та хонадонда ипак қурти боқилди ва бош ҳосилот Анвар Мирзамбеков бошчилигидаги мутахассисларимиз пиллакорларнинг меҳнатини енгиллаштиришга астойдил ҳаракат қилишди ва шунга мос равишда пилла қабул қилиш жараёнида муаммолар кўзга ташланмади, дейди Суннат Бобожонов. – Бундан ташқари мавсум давомида 51 кишининг қора қозони шу ерда қайнаб турди. Раъно Қаҳҳорова, Солия Ҳолиқова сингари пиллакорларимиз ҳосилдорликни ҳар қути ҳисобига 75 килограммдан оширишди. Раҳмат, дедик, иш ҳақи қатори уларга мукофот ҳам бердик.



ПИЛЛАЧИЛИК МАЛИКАСИ

Пискентлик ғайратли пиллакор опамиз Санобар Жўраева ўтган йил Қишлоқ хўжалик ходимлари кун муносабати билан “Ўзбекистон Республикаси Қишлоқ хўжалиги фахрийси” кўрак нишони ва шу йил

8 март-Халқаро хотин-қизлар кун байрамида Президентимизнинг табриги ва тилла соатини мукофот сифатида олди. Бундан беҳад руҳланган опамиз “Бу йил туманимизда пилла ҳосилдорлиги ва сифати юқори бўлади”, дея ишга киришди. Ахир пискентликлар бир неча йилдирки, республикаимизнинг барча жойларида бўлгани каби 4 мавсумли пилла боқадилар, аҳолининг бу соҳада оладиган даромади ҳам ёмон эмас.

Санобар опанинг айтишича, туманда пилла етиштириш билан шуғулланаётган мингдан ортиқ касаначиларнинг ҳар бирига 300 минг сўмдан бўнак пуллари ўз вақтида берилди. Озуқа тақчиллиги юзага келмаслиги учун 278 мингдан ортиқ тут дарахтларининг ҳолати мутахассислар эътиборида. Бундан ташқари шу йилнинг ўзида янги тутзорлар барпо этилди, юз минг тупдан ортиқ тут кўчатлари ўтқазилди. Аини пайтда ниҳоллар яхши ривожланмоқда. Санобар опанинг шу соҳага меҳр қўйганига эса ярим аср бўлаяпти.

– Пилла – етти хазинанинг бири эканлигини мактабда ўқиб юргананда билганман. Чунки пилла қуртини яхши парвариш қилганим, ёш бўлсам-да кечалари ҳам қуртхонага барг ташиганим учун тенгдошларим орасида биринчи бўлиб мукофот сифатида атлас беришган ва атлас куйлак кийиб мактабга борганман, дейди опамиз. – Ҳамон ўша қувонч ва завқ билан яшаяпман. Ва яна яқинда турмушга узатган қизим ҳам мени қувонтириб, 4 қути ипак қурти боқиб, юқори ҳосилдорликка эришди. Болам, рўзгоринг янги, қийналиб қоласан, десам, аяжон, мен сизнинг қизингизман, дейди. Очиғи, она учун, мен каби ипакчи аёл учун бундан ортиқ бахт борми? Илоҳим, юртимиз тинч бўлсин, юртимиз аёллари, она қизларимиз ипакларга ўралсин.

Интизор БОҚИЕВА.